

ԱՆՅՈՐԴԸ ԵՒ ԻՐ ՃԱՄԲԱՆ

(ԲԱՆԱՍՏԵՂԾԻ ՅՈՒՇԱՍՏԵՏՐԻՑ)

Գրեց՝ ԿՈՍՏԱՆ ՉԱՐԵԱՆ

ԵՐԵՒԱՆ

Մի փողոց:

Զանգուն:

Արարատը:

Հայեր:

Երկու բեւեռների մէջ՝ Կոնդ եւ Քանաքեռ. կողերը նախիր են գնում, խիկ մարդիկ գործի:

Մայրաքաղաքը բեռնաւորուած սայլի է նմանում, ու գարիվերը դժուարին է:

Մեկամղձոտ ու մտադրազ մարդիկ են հայերը: Պատահական զգեստների տակ, ծանրաքայլ եկուորների կեցուածքով, նրանք ման են գալիս, նախախնամութեան առջեւ կուչ եկած՝ լծան եզները նման:

Մեծ եւ աղքատիկ ընտանիք: Գոմի եւ նոր ծնած գառնուկի հոտ է գալիս: Վանեցի աղջիկները յաղթանդամ ոտքեր ունին եւ կտրած մագեր, մինչ հորթերը անցնում են պոչերը շարժելով:

Սակայն, ամէն ինչ լոյս է: Արարատը շքեղութեամբ է լայն թռքերով: Գոռում կոչում է Զանգուն եւ բարտիների մէջ թռչունները կայծկելուտում են ճառագայթների հետ:

Ուրախ եմ, հայրենի գիւղը ընկած ճամբորդի նման:

Ուրախ եմ:

Արովեան փողոցի անկիւնում՝ Մարդար աղայի սրճարանը: Մի քանի սեղան, մի քանի աթոռ՝ թաւլուններ:

Մարդար աղան, անանկացած նախիկին խալիի վաճառական, Նոյ նահապետի նման, կանգնել է Արարատի ստորոտին, սուրճ է մատուցում:

Սրճարանը լեցրել ենք մեր իրեղէններով, բազմել ենք սեղանների շուրջը, սպասում ենք: Մի բարեկամ գնացել է մեզ համար սենեակ ճարելու: Դժուարին խնդիր: Տները ճայթում են ազգաբնակչութեան ծանրութեան տակ: Մարդիկ շատ են՝ քաղաքը փոքր:

Դեռ լաւ է, որ մի բարեկամ գրողէտ, բարեացակամ է մեզ հանդէպ, թէ չէ՝ ծանօթ չունենք, կուսակցական չենք:

Եկել ենք Հայաստան դիտակցարար, այս թշուառութեան հետ հաղորդուելու համար, այո՛, ասելու նիւթական բոլոր թշուառութիւններին: Այլապէս, Պոլիս էլ չէինք գնայ՝ կը մնայինք Բէնկլինի վիլլայի շքեղ բնակարաններում որ Ֆլորանսի քաղաքապետութիւնը տրամադարած էր հայ բանաստեղծին:

Ու հոգիս առաջին թռիչքը առնող ծիծեռնակի է նմանում:

* * *

Դրան առջեւ, փողոցի տղաքները՝ խուժանը, ինչպէս ասում են այստեղ, ծխախոտ են ծխում, բարձրաձայն հայհոյում ու կատակներ անում:

Կանգնել է մի միլիցիական (ոստիկան): «Այլա, Բիճա, ըստեղից անցիր. աղա, շան տղայ, աղա քու մէջը... Հրամաններ է տալիս:

Գիւղացիներ են անցնում: Շուկայից վերազանում են տուն, ձեռքերին մեծ կապոցներ:

Երեկոյ է:

Փողոցի անկիւնում մի կոյր սրինգ է նրուագում:

Տխուր եւ միակերպ մեղեդին սողում է կիսաքանդ մայթերի վրայից, կանգ է առնում խանութների առջեւ, ընկնում պատուհանների վրայ ձգած վերջալոյսի բոցերի մէջ, շոյում միլիցիականի կուրծքը եւ հեռաւոր յուշեր արթնացնում վեր վար ման եկող մարդկանց սրտի մէջ:

* * *

Շուարած շուների մի խումբ է անցնում: Տէրերը կորցրած, փողոցներում մնացած, լաւ ցեղի շուներ, որ հիմա վայրենացել են եւ գողութեամբ են ապրում: Անօթի, փայլուն